



DELICIARUM  
EPISTOLICARUM  
FESTIVALIUM

*Exercitatio Decima quarta*

P R Æ S I D E

CHRISTIANO GUEINZIO

Rectore Gymnasii Hallensis

*Respondente*

JOHANNE-NICOLAO BENCKERO

Hallensi Saxone

In

*Festo Johannis Baptiste.*

CID. DC. XLIV.

---

HALLIS-SAXONUM

*Typis Christophori SalfeldI.*





VIRIS

*Admodum Reverendis, Clarissimis, Humanis-  
simis, eximia pietate, sincera religione, summaque  
verum experientia, & auctoritate  
prestantissimis.*

**Dn. GOTHOFREDO OLEARIO,**  
S. S. Theologiae Doctorei meritissimo, ad  
Divum Ulriciani Pastori primario fidelis-  
simo, Scholarchae gravissimo.

**Dn. JOHANNI OLEARIO, S. S.**  
Theologiae Doctorei dignissimo, Reve-  
rendissimi, Illustrissimi, & Celsissimi  
Principis ac Domini, Dn. AUGUSTI,  
Archiepiscopi Magdeburgensis concio-  
natori Aulico celeberrimo.

**Dn. M. TILEMANNO OLEARIO,**  
Ulriciani, quod Halis est, Templi Diaco-  
no primario, uti industriosissimo, ita vi-  
gilantissimo.

*Dn. Avunculis, quolibet honoris & ob-  
servantiae magistero aeternum excipiendis*

Haec primitias Theologicas  
in

Amoris monumentum,

&

Favoris incitamentum

*quam humillimè mancupat*

**Johannes Nicolaus Benckerus R.**





# EPISTOLÆ

In

FESTO JOHANNIS BAPTISTÆ

ANALYSIS

*Esa. 40. à v. 1. usq. ad 6.*

THESIS I.



uandis Johannes secundum Christi testimonium sit maximus inter natos mulierum, emineatq. præter Christum, universis Matth. 11, 11. Unde juxta Bernhardum unus est, nec secundum habet: tria namq. Deus fecit sine secundo, Christum, Mariam & Johannem: tamen & Elia comparatur Matth. 11, 4. 1. ob Spiritum Sanctum, cujus virtute, ut Elias, indutus erat Luca 1, 17. 2. ob Zelum, dum Herodem objurgavit Marc. 6, 18. Phariseos increpavit Matth. 3, 7. 3. ob victum, quem

) ( 2 admo-



admodum ille à corvis pascitur 1. Reg. 17, 6.  
Sic hic vescitur locustis & agrestibus Matth. 3, 4.  
4. ob vestitum. Uterq; enim zona pellicea cinctus  
fuit, de illo 2. Reg. 18. de hoc Matth. 3, 4. 5.  
ob mundi premium, Elias multas persecutiones  
passus est ab Iesabele 1. Reg. 19, 3. Johannes ab  
Herodiade Matth. 14, 9. ut rectè dicatur quod  
sit similis Elie, imò quod sit major. Id quod eti-  
am Epistola declarat.

2. In qua habentur quædam generalia,  
quæ concernunt statum & populum quoad  
adventum per exhortationem, quæ consistit  
tum in consolatione v. i. In quo mandatum  
ingenere, Consolamini, consolamini. Allo-  
quitur enim Deus Prophetas, Apostolos, & in  
universum omnes, quo solatio refocillent audi-  
tores, propter solvendam captivitatem tum  
temporalem Babylonicam, quemadmodum  
Chaldaica paraphrasis intendit, tum spiritu-  
alem Diabolicam potissimum, quemadmodum  
rabbi David Kimchi etiam consentit, dum  
monet, omnes istas consolationes de diebus Mes-  
siae esse intelligendas.

3. Repetitur verò vox consolationis Empha-  
ticè per antanaclasin sine ταυτολογία; quia  
1. serua Dei voluntas ut consolentur populum



omnes doctores; & quia 2. est officii paracletici  
requisitum, ut diligenter hoc ipsum praestent,  
quemadmodum & fecit Christus, & ipse Apo-  
stolus Paulus 2. Cor. 1, 9. & sequentibus.

4. In specie est tum objectum sive materia  
circa quam, ut consolentur populum: sub-  
jecti enim sunt credentes cruci Esa. 45, 11.  
Et cum in superiore capite, de captivitate Baby-  
lonica haut obscure differuisset propheta, opus  
fuit consolatione Evangelica, qua animi populi  
erigerentur. Ideoq; describit populum per E-  
pitasin à relato, dum eum populum suum  
vocat, ut qui à Deo affligebatur propter pec-  
catum, etiam ab eodem solatio refocillaretur:  
fidelis enim est Deus, ut qui mortificat, &  
iam vivificat. Quin Evangelium est jucunda  
consolatio, & leti nuncii declaratio. Id quod  
& verbum nachan notat, dum mutationem,  
que fit consolatione, denotat.

5. Tum est efficiens causa, cujus appella-  
tio: siquidem hoc dicit Deus, qui & ipse po-  
pulum suum efficaciter consolatur Esa. 51, 12.  
& 66, 13. & qui planè paterno est in suos ani-  
mo, misitq; propterea Salvatorem mundi. Hæc  
enim intelligenda sunt de tempore Novi Testa-  
menti, secundum Esa. 52. cap v. 6. & 7. & se-  
cundum contextum huius capituli; etiam per



pracones verbi caelestis, uti testatur Apostolus Paulus Thess 2, 13. Et relatio quod Deus noster; sunt enim alii Dii, qui idola gentium, qui non consolantur, sed iritantur, non vacillantur, sed nugantur. Officium itaque doctoris Evangelici est consolari populum.

6. Et consistit in blanda compellatione v. 2. In quo partim propositio, continens modum leniorem, ut loquantur ad cor Jerusalem, id est ut verbis blandis consolentur populum, quo ad cor penetret, & recreetur populus Dei, sicuti ista formula usurpatur Gen 50, 21. 2. Sam. 19, 7. 2. Paral. 30, 22. Osee 2, 14. ne sit externa tantum & frigida consolatio, de qua Jobus conqueritur cap. 16, 2. sed interna & cor penetrans, secundum promissionem Job. 16, 22. & Ps 112, 4. Hec enim est pax Dei Col. 3, 15. victoria pii Apoc. 12, 11. gloria etiam ejusdem Ps. 55, 8.

7. Et vehementiorem, ut clamant ad eam, id est ut praedicent, vocandoque dicant, quo omnes audiant, quemadmodum propterea etiam Johannes, reliqui que doctores voces clamantis dicuntur Job. 1, 23. Evangeliumque vox Domini super aquas Ps. 29, 3. Non ergo tacere debent, sed clamare doctores Ecclesie. Atque ut & commendatur ministerium externa vocis, quod



quod efficitur per spiritum sanctum, dum Evana-  
gelium vox in auribus, non, ut lex, in tabulis.

8. Partim propositionis ratio primaria  
propter liberationem, quia completa est  
militia eius. Completa dicitur propter certi-  
tudinem, ut sit prateritum, pro futuro. Per mi-  
litiam autem tum proprie intelligitur hostis spi-  
ritualis, ut est Satanas, mundus, caro, qui licet  
hostes infensissimi, Eph. 6, 12. 1. Per. 5, 8. ta-  
men per Christum sunt victi. 1. Cor. 15, 54. &  
seqq. Id quod etiam testatur Zacharias Luc.  
1, 21. sunt q̄ omnes Christiani milites, Rom.  
13, 14. Tum etiam intelligitur cultus Veteris  
Testamenti, dum verbum militare itidem de  
functionibus talibus usurpatur. Exod. 38, 8.  
Num. 43, 24. 1. Sam. 2, 22. Dan. 8. At per  
Messiam ab illo onere liberati dicimur. Act. 15,  
28. Ut videatur finitum tempus militia Levi-  
tica, sicq̄ tempus alterum spirituale, de quo  
Paulus 1. Tim. 1, 18. Gall. 4. Non vero malitia  
legendum est, uti habet Glossa ordinaria, quam-  
vis utraq̄ illa militia sit mala.

9. Et propter salvationem in genere, quia  
est remissa iniquitas ejus. Id est peccata per le-  
gis abrogationē, (ubi enim nulla lex, ibi nullum  
est peccatum) per ipsum Christum, quia per no-  
men ejus habent omnes remissionem peccatorum

Act.



*Act. 10, 43. ita ut jam habeat Deus cum sibi  
satisfactum, acceptas afflictiones, nec amplius ve-  
lit punire.*

*10. Et in specie rationis ratio secundaria,  
quia accepit de manu Domini duplicia pro  
omnibus peccatis. Hoc est remissionem pecca-  
torū & reconciliationem, gratiam pro peccato,  
& vitam pro morte. Desumpta enim est hac  
phrasis ex ritu Vet. Test. quo in hereditate ade-  
unda primogenitus duplā partem accepit Deut.  
21, 17. jam populus Dei habetur pro primoge-  
nito, cujus typus in populo Israelitico precessit  
Exod. 4, 23. ita ut satis superq; sit castigata  
iniquitas, dum Ecclesia duplum accipit per Chri-  
stum, beneficiū. Non itaq; per satisfactiones mee-  
ritorias, sed divinas. Intelligitur etiam portio  
hereditatis cœlestis, vita & abundantia Job.  
10, 10. gratia & gloria Ps. 84, 10. Licet Kim-  
chi, Hieronymis, & Musculus de duplici ca-  
pivitate intelligant, Babylonica & Romana,  
vni & Chaldæus, qui Ellipsin in textu statuit,  
ac duabus vicibus punitam asserit.*

*11. Specialia sunt de Christi prodromo,  
nempe de Johanne particulariter quoad of-  
ficiū ejus. Cum enim vellet probare Prophee-  
ta tempus adesse quo statio dimittenda, & quod  
Deo satisfactum, ostendit se audire vocem.*

*Quæ*



Quæ summam consistit in prædicatione  
seu viæ præparatione v. 3. In quo subjectum  
respectu modi ab officio, quod sit vox cla-  
mantis, per quam intelligi ipsum Johannem Ba-  
ptistam, patet tum ex allegatione Evangelistarum  
Matth. 3, 3. Marc. 1, 3. Luc. 3, 4. tum ipsius Ba-  
ptiste, qui ipse ad se applicat Job. 1, 23. & ejus  
deniq; patris Luc. 1, 26. Vox verò clamantis, seu  
vox clamans dicitur, dum omnes ad se venientes  
peccati cōvicit, & seris divina ire denunciatione  
cōsternavit. Voci verò comparatur, quia uti vox  
trāsit & verbum permanet, sic Johannes non diu  
fuit, sed Christus permansit Job. 3, 30. Et cla-  
mantis dicitur, quia non sui ipsius, sed alterius  
erat minister, uti habet Rud. Ardens ex 2.  
Corinth. 5, 20 simulq; innuitur, quod diu tace-  
rint Propheta, & quod sub lege rauceo fuerit,  
modò tempore Evangelii candida vox & veri-  
tas secundum Theophylactum: ut & mone-  
antur doctores ne taceant, sed clament secundum  
Esaiæ 25, 1. Triplex enim vox esse debet juxta  
Hugonem pastoris, suavis ad infirmos, dulcis  
ad morientes, & alta ad surdos in peccatis. Et  
loci quod in deserto hoc fieri debeat. Nam  
illa verba ad vocem clamantem referenda esse  
& Evangelista ostendunt, qui acti spiritu San-  
cto. 2. septuaginta ita distinguunt, & 3. veritas



historie probat, dum ipse docuit in deserto, & vo-  
catus illinc, etiã magnam partẽ ministerii ibidem  
peregit. Luc. 3, 3. Joh. 1, 21. quia 1. dissidebat ab  
opinionibus sacerdotũ templi 2. quia finẽ instare  
annunciabat 3. quia de Christo dicitur, quod ve-  
nerit ad templũ Malach. 3, 1. & de Johanne quod  
in deserto Esa. 40, 3. Et Lucas testatur ipsum fuis-  
se usq; ad tempus auctoris *Ætæ* in deserto Luc. 1,  
80. Neq; quicquam, quod habet Tremellius  
& Junius obtinet accentus; siquidem ille per Spi-  
ritum Sanctum limitatur, ubi ponendus, vel  
non. Deinde est minor, & habetur in voce cla-  
mantis Sakeph minor, in voce deserti verò Sa-  
keph major, qui potius separat à sequentibus  
quã conjungit, dum Sakeph utrumq; solet se-  
pius conjungere, uti habet Helvicus de accenti-  
bus. Nec multum refert dum in altero dici-  
tur, quod in solitudine debeat recta fieri via: idq;  
enim non de facientibus intelligendum, sed de doc-  
cente, quod & ille inibi tradidit, uti Forerius su-  
per hunc locum monet. Etiam per desertũ potest  
intelligi populus gentilis, quamvis Jos. 18, 17.  
mentio fiat arcis adunim, que in deserto, ubi  
Essai. & Johannis spelunca, ut tanquam studi-  
osus amarit solitudinem, ubi & Eliseus & Elias  
Scholas habuerunt.

12. Prædicatum continet effectum in ge-  
nere



nerere per similitudinem, ut complanetur via  
Domini. Ac si diceret: tollite omnia impedi-  
menta per predicationem legis, qua Dominum  
id est Christum a se repellere possunt, ut fieri so-  
let, quando principes magna cum pompa urbem al-  
liquam ingredi volunt. Verbum enim Ebraicum  
faciem reddere significat, ne habeat aliquid for-  
dium inequalitatis & indecentiae. De Domino  
dicitur Gen. 24, 3. Malach. 3, 1. de via Luc.  
Et in specie ut rectam facerent in solitudi-  
ne semitam stratam Deo nostro. Non enim  
sufficit parare viam, sed rectam facere, ne per am-  
biges cogatur qui ire. Hebraea vox Mesilloth  
significat viam stratam lapidibus, ut rectam ad  
Christum, non ad alios, ire queant. Utrumque  
verò dicitur de Christo, qui ut supra vocatur  
Dominus sive Jehovah, ita hic Deus noster: pro-  
pterea quod causa salutis nostrae in mundum ve-  
nit, id quod Johannes praedixit predicando  
Matth. 11, 11. Luc. 16, 16

13. Tum consistit in poenitentiae praedica-  
tione seu demonstratione v. 4. In quo ante-  
cedens, tum de valle, quod omnis vallis sit  
exaltanda: per quam intelligitur nimia humi-  
liatio, orta ex seria peccatorum contritione.  
Vallem enim vocat omnes afflictos peccatores,  
qui sedent in umbra mortis, & qui sunt contrito  
corde



'corde & humiliato spiritu; ideoq; non audent  
sublevare oculos in cœlum, memores delictorum  
suorum, uti Publicanus fecit Luc. 18, 13. & fi-  
lius perditus Luc 15, 21. Cum igitur sese coram  
Deo abjiciunt & humiliant, Deus illos exaltat,  
& eos ablegavit Johannes ad Christum, ut  
gratiam pro gratia sumant Ioh. 1, 16. & hoc  
est exaltari.

14. Tum de monte, ut omnis mons & col-  
lis, id est omnis superbus & elatus humilietur.  
Duobus enim modis peccatur potissimum, vel  
in defectu per abjectionem, vel in excessu per  
elationem, ut per montem & collem ita intelli-  
gantur, qui fiducia propria justitiæ elati, re-  
gnum cœlorum sibi deberi existimant. At ista sub-  
limitas rejicienda erat, ut Christus reverenter  
exciperetur: Humilia enim respicit Deus Ps. 137.

15. Consequens quod prava futura sint in-  
directa, & aspera in vias planas. Hoc est o-  
mnia mala finitum iri, eritq; facilis & plana via  
perveniendi ad justitiam, seu consequendi salu-  
tem, id quod fit, dum predicatione sua utramq;  
pœnitentiæ partem contritionem & fidem pro-  
bè inculcavit, ut denuntiatione ire Dei cordium  
superbiam humiliarit, & promissione Evange-  
lica de gratuita remissione peccatorum per Chris-  
tum obtinenda humilium instar vallium men-

tes



tes erigantur, quod testatur & Zacharias Lue.  
1, 77. ut ita sit consolatio regni Dei, que predi-  
cationi resipiscentie adjungitur.

16. Quoad effectum seu fructum; Et est  
salvatoris demonstratio v. 5. In quo modus  
quoad objectum: monstrabitur enim gloria  
Domini, nempe per Johannem, dum ab eodem  
Christus ostensus, & digito monstratus. Et per  
Christum, dum homo factus, quod semet ipsum  
stupendis miraculis manifestavit, uti habetur  
Joh. 2, 11. sunt enim miracula testimonia  
doctrinae coelestis per Apostolos & doctores 2. Cor.  
4, 6.

17. Et organon, quod visura sit omnis ca.  
ro pariter, id est partim ubi conversatus Chri-  
stus in his terris, Ioh. 4, 1. partim ubi & voca-  
tae sunt omnes gentes Ps. 19, 1. Marc. 16, 15.  
aeque enim judaeis & grecis annunciatum est  
Evangelium.

18. Est eventus, quod os Domini lo-  
cutum est; quia Deus ita prae-dixerat, & per  
prophetas annuncia-verat, quae eventu confir-  
mata, & tandem comprobata sunt, uti & Chal-  
daeus inquit in sermone Domini decretum est.  
Idem habet & Kimchi, quia ipse ultimo, uti  
habetur Ebr 1, 1. patris voluntatem revelavit  
& gloriam suam demonstravit. Non ergo ho-  
minis



*minia, sed Dei verbum est, quod annunciatur.  
Est enim commendatio Evangelii ab autore.*

## HINC NOTA.

I. *Consolamini, Consolamini) Considera afflictos solatio esse erigendos, ut discas post legis terrorem Evangelii gratiam subjungendam esse*

II. *Vox Clamantis) Considera, clamandum esse non tacendum, si vis esse minister Dei, ut discas extollere vocem, & increpare scelera.*

III. *Parate viam Domino) Considera Deum velle omnia munda & sancta, ut discas vitare sordes peccatorum, si vis quò te accedat Deus.*

## QUÆSTIO PHILOLOGICA ex Evangelio.

I. *Quodnam tempus pariendi sit, & cui Johannes consueto naturæ ordine natus. R.*

**A** *pud Philosophos variè disputatur de tempore parus. Aristoteles lib. 7. c. 4. de historia animalium homini mirè multiplex pariendi tempus esse scribit. Nam & septimo mense (idem habet & Hippocrates libro de septimestri partu) & 8. & 9. parere posse, ut plerumq; decimo, quamvis octomestris partus in  
nost-*



nostris locis raro sit vitalis, in Ægypto tamen uti  
testatur Plinius lib. 7. c. 7. Johannes nono men-  
se à conceptione natus secundum consuetum na-  
tura ordinem & cursum: tum ne cavillatores  
impii haberent quod calumniosè calumina-  
rentur: tum ne improbi haberent quo illicitos  
congressus & partus suos speciosè tuerentur.

### 2. Unde nomen Johannis.

Chrysostronus lib. 45. Hom. 16. Tom. 2.  
gratiam DEI interpretatur. 10. inquit enim  
dicitur Domini & anna gratia, quia majorem  
accepit gratiam. Verius tamen est, à radice  
Hanan, quod idem est ac gratiosus, & propiti-  
us fuit. Quia DEUS respexit populum suum,  
& visitavit eundem secundum assertionem Zach.  
v. 68.

### 3. An recte illa verba: Alle findes find?

Piscator mavult: Alle geschlechte: Verum  
quum yevea dicatur de posteris, cur non ita  
redderetur? quia 1. per nepotes conservatur  
familia 2. idem est quod apud Ebraeos libne ba-  
nim in filios filiorum, uti habetur Ps. 103., 17.  
nam eadem sunt verba utrobiq;: que tamen  
& Piscator ipse, ita transtulit auf findes  
finder. Nec satis perspicuum Alle geschlechte  
nach einander | quum phrasis Græca aliter sonet,  
& scriptura non ita loquatur.



**I**n Scamno quicumq; locum tenet, optimus in-  
stantes præ reliquis esse videtur homo. (ter  
Quippe potest populum solari fortius, imò  
Solari melius, dixit ut ipse Deus.

Cor penetrat Solymæ, quia pugna peracta, re-  
Culpa; loco culpe sunt bona dupla Dei. (missa  
Vox in deserto clamosa: parate Jehovæ  
Usq; vias! Fiat semita recta Deo.

Mons humilis fiet; quin exaltabitur omnis  
Vallis; erunt simul & aspera plana satis.

Gloria nam Domini patefiet, cernet & omnis  
Talia, quod pariter dixerit ista Deus.

Amosides testis, repetit BENCKERUS. Habet  
Pergit ut, in Scamno nobiliore locum. (bit)

ita testatur

Gueinzius:

Ἔς' ἔρανόφρων παντελῶς, ἢ δ' ἄξιός  
πάντων ἔργς κλέγς τε ἀνθρώπων, ὅτω  
θεοῖό ἐς; φροντίδος διὰ γράμματα.

BENKĤPE σεμνὲ τοιαῦτὰ' τιν μέλῃ μόνῃ,  
ἕως τύ τι πρὸς ποιμένων εἶη λέγες,  
γνωθέντι αἰεὶ τῆτέω μενε,  
δώσῃ ἀπόλλων ὡυτὸς ὄρχήσαν πάλαμ.

bonæ scævæ ergò

deprop.

SAMUEL STURMIUS, L. L.



Instandsetzungsschein

ersten und letzten Lagen des Buchblocks  
den in siedenden Bädern gereinigt und ge-  
tigt. Mürbe und zerissene Teile des Papiers  
den ausgebessert.

Bucheinband wurde originalgetreu wieder  
gestellt.

ULB Halle

006 386 679




3

*Th. 4968*

*Gabriele Grauer*

Halle, den 8.10.1970









14

...LARUM  
...LICARUM  
...ALIUM  
*decima quarta*  
...S I D E  
...IO GUEINZIO  
...nastii Hallensis  
*ndente*  
...DLAO BENCKERO  
...fi Saxone  
...n  
*nis Baptista.*  
...C. XLIV.  
...SAXONUM  
*phori SalfeldI.*

